



Corporaziun d'aua Spina da vin

Disentis/Mustér

Regulativ da taxas

2010

(26-03-2010)

Sin fundament d'art. 78 dalla constituziun communal e dalla lescha davart il provediment d'aua dalla vischnaunca da Mustér, sco era dils statuts dalla Corporaziun d'aua Spina da vin relai la radunonza generala il suadont regulativ da taxas:

Art. 1 Principi

La Corporaziun d'aua Spina da vin (Corporaziun) fixescha ed incassescha contribuziuns e taxas tenor ils principis stipulai en art. 22 ss. dalla lescha davart il provediment d'aua.

Art. 2 Classificaziun dils stabiliments pil provediment d'aua

Ils stabiliments pil provediment d'aua vegnan, conform ad art. 5 dalla lescha davart il provediment d'aua, classificai tenor lur proprietad en stabiliments publics e privats.

Stabiliments publics ein ils stabiliments pil provediment d'aua, construi e manteni entras la Corporaziun; sco tschaffadas dallas fontaunas, stivas d'aua, reservuars, staziuns per reducir la pressiun, pumpadis, sclusaduirs, conducts, hidrants, indrezs d'aua da stizzar fiug e begls publics.

Stabiliments privats ein ils stabiliments pil provediment d'aua construi e manteni entras ils privats; sco lingias privatas da colligiaziun, sclusaduirs, lingias d'aua en casa, ventils per reducir la pressiun e begls privats.

La Corporaziun meina in plan da cataster davart ils stabiliments publics e privats pil provediment d'aua che sesanflan en siu territori.

Art. 3 Classas d'objects

Ils objects colligiai alla reit da provediment d'aua vegnan, conform ad art. 26 dalla lescha davart il provediment d'aua, gruppai en quater classas d'objects, numnadamein:

Classa I Edificis cun in grond consum d'aua; sco spitals, casas da malsauns, casas da vegls, casas da tgira, interpresas da loschament (hotels, pensiuns, ustrias, e.a.v.), stizuns cun restaurant, sennarias, mazlarias, bogns aviarts e cuvretgs;

Classa II Edificis cun in consum d'aua mesaun; sco casas d'ina famiglia, casas da pliras famiglias, edificis da commerci (pasternarias, fatschentas da coiffeur, scrinarias, luvratoris, e.a.v.), edificis publics da sport;

Classa III Edificis cun in pign consum d'aua; sco administraziuns, biros, stizuns senza ustria, casas da scola, baghetgs ecclesiastics, il cumplex claustral (part ecclesiastica), remisas da material, baghetgs agricols e d'economia, baghetgs annexs (garaschas, bargias, e.a.v.), garaschas sutterranas, edificis industrials, edificis privats da sport e recreaziun, magasins da victualias;

Classa IV Baselgias e capluttas, museums, bibliotecas;

La classa digl object vegn fixada en connex cun la lubientscha da colligiaziun ni cun la lubientscha da baghegiar.

Art. 4 Colligiaziuns ordeifer la zona da baghegiar

Colligiaziuns ordeifer la zona da baghegiar san vegnir lubidas sin damonda speciala. La suprastonza dalla Corporaziun decida, schebein ei setracta d'ina reit publica ni privata. La proprietad dalla colligiaziun vegn fixada ella disposiziun dalla lubientscha da colligiaziun ni en fuorma d'ina cunvegnientscha individuala.

Art. 5 Cass extraordinaris

En cass specials sco biotops, pes-cheras e begls ei la suprastonza dalla Corporaziun autorisada da far ina cunvegnientscha individuala cun ils pertuccai e da fixar la taxa da colligiazion en fuorma d'ina pauschala. Sch'igl ei buca pusseivel da secunvegnir, fixescha la suprastonza la taxa da colligiazion sin fundament dallas classas I – IV.

En cass extraordinaris sa la suprastonza dalla Corporaziun risguardar in'austra classa d'objects, aschinavon che quei ei giustificau sin fundament dil diever d'aua.

Tier ina midada d'intent cumbinau cun in pli grond diever d'aua sa la suprastonza dalla Corporaziun relaschar ina nova disposiziun. En tals cass ei il pertuccau obligaus da prestar in pagament supplementar.

Art. 6 Taxas da colligiazion

La taxa da colligiazion agl aquaduct munta:

Classa I	2.70 %
Classa II	1.65 %
Classa III	1.00 %
Classa IV	0.30 %

Tuttas taxas excl. taglia sin plivaleta (TPV)

Art. 7 Renovaziun e midada d'objects

Per mintga midada ni renovaziun da baghetgs existents eis ei da pagar ina taxa da colligiazion supplementara, aschinavon

- a) che la valeta nova digl object s'augmenta
- b) ch'il volumen digl object vegn augmentaus
- c) ch'il diever digl object vegn midaus

Art. 8 Taxas da diever duront il temps da construcziun

L'aua da construcziun per edifecis novs ei da retrer dalla colligiazion d'aua dil bein immobiliar da construcziun. La taxa munta a:

frs. 300.--	per objects entochen	frs. 800'000.--
frs. 400.--	per objects entochen	frs. 1'500'000.--
frs. 600.--	per objects entochen	frs. 5'000'000.--
frs. 800.--	per objects entochen	frs. 10'000'000.--
frs. 1'000.--	per objects sur	frs. 10'000'000.--

Leu nua ch'ei vegn buca fixau ina pauschala, vegn la taxa da diever eruida tenor in dumbrader e munta a frs. 0.50 per m³.

Art. 9 Diever da hidrants

Ils hidrants surveschan sco indrezs da stizzar fiug ed astgan en principi buca vegnir duvrai per auters intents. Sin damonda speciala sa la suprastonza dalla Corporaziun far excepziuns. Per quella lubientscha vegn incassau ina pauschala minimala da frs. 30.-- a di per diever d'in hidrant.

Art. 10 Taxa fundamentala e taxa da consum annuala

Classe I

Taxa fundamentala:	tenor volumen construiu	m ³	x	frs.	0.30
Taxa da consum:	tenor dumbrader	m ³	x	frs.	0.35

Classe II

Taxa fundamentala:	tenor volumen construiu	m ³	x	frs.	0.25
Taxa da consum:	tenor dumbrader	m ³	x	frs.	0.35

Classe III

Taxa fundamentala:	tenor volumen construiu	m ³	x	frs.	0.15
Taxa da consum:	tenor dumbrader	m ³	x	frs.	0.35

Classe IV

Taxa fundamentala:	tenor volumen construiu	m ³	x	frs.	0.10
Taxa da consum:	tenor dumbrader	m ³	x	frs.	0.35

Per edifecis sco casas, stallas, nuegls, garaschas, studios, curtins, begls, biotops e.a.v. senza dumbrader fixescha la suprastonza dalla Corporaziun ina pauschala annuala da minimalmein frs. 50.-- per il consum d'aua.

Art. 11 Tscheins annual pils dumbraders

Ils dumbraders d'aua vegnan furni dalla Corporaziun e restan proprietad da quella. Las revisiuns dils dumbraders van a donn e cuost dalla Corporaziun.

Per il diever dil dumbrader incassescha la Corporaziun ina taxa annuala che vegn differenziada suandontamein:

Dumbrader d'aua pign	frs. 30.--
Dumbrader d'aua mesaun	frs. 70.--
Dumbrader d'aua grond	frs. 200.--
Tuttas taxas excl. taglia sin plivaleta (TPV)	

Art. 12 Determinaziuns executorias

Per la taxaziun, igl incasso, la scadenza e tuttas mesiras organisatoricas valan las determinaziuns dalla lescha davart il provediment d'aua ed ils statuts dalla Corporaziun.

Quest regulativ da taxas ei vegnius approbaus dalla radunonza generala dalla Corporaziun d'aua Spina da vin dils 26 da mars 2010 e passa en vigur cun igl empren d'avrel 2010. El remplazza tut ils auters regulativs da taxas.

Il president : Edwin Deflorin

Igl actuar: Giusep Caduff

Approbau dalla suprastonza communal ils 29 da mars 2010

Il president communal: Dr. Dumeni Columberg

Il canzlist communal: Andri Hendry